

---

## “Халқпарвар” комиссияси раиси оғир ижтимоий ҳолатдаги оилага янги уй қуриб бермоқда

Халқ депутатлари Бағдод тумани Кенгаши ҳузуридаги “Халқпарвар” комиссияси раиси, депутат Фарҳоджон Маматқулов оғир ижтимоий ҳолатга тушиб қолган Муҳтарамхон Асқарова ҳамда унинг вояга етмаган фарзандлари учун янги уй-жой қурилишига бош-қош бўлмоқда. Депутатнинг сўзларига кўра, М.Асқарова “Аёллар дафтари”да рўйхатга олинган.

- Бир хўжаликда 3 та оила яшайди, - дейди Ф.Маматқулов. - Ўзаро келишув асосида ер майдони 3 қисмга бўлинди ва 3 нафар фарзанди бор Муҳтарамхон учун ҳомийлар ёрдами билан янги уй-жой қуриб беришга киришилди.

М.Асқарованинг иш билан бандлигини таъминлаш масаласи ҳам ижобий ҳал этилган: тез орада ҳудуддаги мактабда техник ходим сифатида иш бошлайди. Бундан ташқари, унинг тўнғич ўғли “устоз-шогирд” анъанаси асосида автомобилларга техник хизмат кўрсатиш бўйича ҳунар ўрганиши учун шароит яратиб берилди.

**Бағдод тумани ҳокимлиги Ахборот хизмати.**

2021-04-27 16:57:23